

Tének

Kanixtaláb

abal an mímlab ani inik xi in kwa'ál I t'aynel t'ajbiláb ani Tének ilalix xi u k'wajil ti Pulik Bichow Tampots'ots'

Abal ka tolminxi ti jolatalab xi ne'ets ka k'wajba' ti pulik ajib ti bichow Tampots'ots' 2026.

An Poder Ejecutivo ti Pulik Bichow Tampots'ots', kal in tolminxi an Secretaria de Desarrollo Económico, jant'idha' ti uludh ti artículo 3º, pejach I, dhuchadh a); 31, pejach VII ani 37 ti Ley orgánica de la Administración Pública ti Pulik Bichow Tampots'ots'.

In kaniál

An atiklab xi in ts'ejkal I ts'ejkanel, Tének ilalix ani I Tének t'ajnel; ne'ets ka ok'chayat an Tének atiklab xi pel i k'wajilom ani bichowchik xi ulnek teje' ti k'wajil ani aynal an ts'ejkanel o i t'ajal jawa'kits i Tének ts'ejkanel, ani jaye' i atiklab xi in kwa'ál k'eat i xe'tsintaláb ani i mámlabchik; abal ka olminxi kal an tejwamedhomtaláb, nujnel ani buk'wudh ts'ejkanel ani t'aynel ti jolataláb xi ne'ets ka k'wajba' ti pulik ajib an pulik bichow tampots'ots' 2026.

Jale' u t'ajnal:

An ok'chix eyal ti pulik bichow in alial abal ka tolminxi ki in puwedha' an at'adh tumín abal an ja'úblab ti tampots'ots' abal ki in tejwa'medha' an t'ajnel xi in ts'ejkal ani xi in nujwalchik, abal ki in ko'oychik ani ki in puwedha' an nujtaláb an t'ajnel xi u t'ajnal ti in ts'echil an pejach tsabál ti Pulik Bichow, ants'ana' ne'ets ka exla' k'al an ts'abix ani talyanel an k'wajilom, ani ants'ana' ka tejwamedha' in puwel ani jalbil xi in kwa'álchik an Tének ts'ejkanel ani abal yab ka ayna' an konodh ts'ajkanel in jalbil an ts'ejkanelchik.

Ts'ejkanel xi in t'ajal an tolminxi

Ts'ejkanel ka i namám xi yáb in nedhal I plomo, si ts'ekadh kal I ts'ojol; ubat'láb, ts'umidh eyendha'nel, lapidaria; laudería; t'elom; metalistería; majudh walek; talabartería; kotonláb; T'enek ilalix; t'aynel ani pilchik.

Xi ne'ets ka t'ajan ti kwentaj

An tolminxaláb xi axé' xi kanixtaláb in onal yáb in abatnal abal ka pidhan j'un I jolataláb ti Pulik Ajib ti bichow Tampots'ots' 2026, jaxtam an atiklabchik xi in le' ka t'ajan ti kwentaj kwa'ál ki in kidhbay an tsalap xi u koniab.

1. Xi pel i k'wajilom o pel i Tének k'wajilom xi k'wajat ti pulik bichow Tampots'ots'
2. I k'wajilom xi in bajúts an tamúb abal pel I atiklab
3. Xi k'wajat dhuchadh ti Registro Estatal de Artesanos.
4. Xi in aynamalíts bó' i tamúb ti ts'ejkom, ki in exla' o in ejtow ti s'ejkom ti in bichowil an ts'ejkanel o t'ajnel.
5. Tal yanel an atiklab xi in konial ne'ets ka t'ajchin I lejbxataláb abal ka exla' an ts'ejkanel xi in t'ajal, abal ka t'ajan ti kwentaj ani ju'ta' ne'ets ka pidhan an jolataláb.

An atiklabchik xi in konial ka t'ajan ti kwentaj kwa'ál ki in ko'oy an dhuchadh úw xi u konchab t'eje' ti kanixtaláb:

1. Ju'taj ka olna' abal u k'wajil ti pulik bichow Tampots'ots', ka bina' an dhuchadh úw ju'ta' u tejwamel, xi in ejtowal eyan xi te'ej' bijidh:
 - A) An k'otbidh wal xi eyadh ti takux eyal xi binadh kal an Instituto Nacional Electoral.
 - B) An Pasaporte xi binadh kal an Secretaria de Relaciones Exteriores.
 - C) An Cédula profesional xi binadh kal an Secretaria de Educación Pública.
 - D) An Cartilla de Servicio Militar Nacional, xi binadh kal an Secretaria de la Defensa Nacional.

- E) An Licencia de conducir.
2. An úw ju'ta' dhuchadh u k'wajil (xi in ejtawal ki in ko'oy óx a íts') teje' ti pulik bichow Tampots'ots'.
 3. Dhuchadh úw ju'ta' u t'ajnal ti kwentaj abal pel i ts'ejkom, xi binadh ju'ta' u k'wajil, kal an eyal ti Bichow o an kwenchal xi t'ajadh ti kwentaj kal Desarrollo Artesanal o an Asuntos Indígenas.
 4. An Tének t'aynel, kwa'ál ki in tejwamedha' an úw xi binadh kal an eyal xi in tomnal, ju'ta' u t'ajab ti kwentaj ani batsudh, abal in t'ayal ani in ts'ejkal jantidha' ti biyal an nujnel xi innedhal.
 5. An Tének ilalix kwa'ál ki in bina' an úw ju'ta' bats'udh abal in ejtawal ki in ayna' jant'idha' in t'ajal an bichow, xi binadh kal an eyal xi in tomnal (an asamblea ti kwenchal, an asuntos indígenas ti bichow o an Instituto Nacional de los Pueblos Indígenas (INPI)).
 6. An atiklab xi pel i ts'ejkom kwa'ál ki in bina' dhuchadh jant'idha' in ts'ejkal an ts'ejkanel.
 7. Dhuchadh in yanel an ts'ejkanel (in yanel ti in k'a'ál, xi u eyendhab, an ts'ejkanel xi k'wajat ti ts'ejkab ani xi ta'padhits) ki in olna' in jalbil, xi in tomnal abal ka eyan ti Pulik Ajib an Bichow Tampots'ots'.
 8. An ts'ejkom xi ne'ets ka tolmixin ani in kwa'ál I ya'uláts kwa'ál ki in olna' (ki in bina' an úw xi u pidhap kal an ilalix k'itsodh ani matskidh wál o an atáj ilalix ju'ta' u t'ajnal ti kwentaj, ju'ta' dhuchadh in alwa' an ya'uláts ani jant'idha' u t'ajnal ti kwentaj) abal ants'ana' yáb ka k'alchin an ya'uláts.

Dhuchadh an atiklab

- a) An atiklab in jetawal k'a'ál ka dhuchan ba' axé' xi link o an código QR xi binal ti in taltal an dhuchlab.
<https://forms.gle/Fe2RoSnZ9vCqshwuf>
- b) Tam ki in tejwamedha' an k'a'a'l dhuchadh an atiklab in bats'uwal an ts'alap xi uludh ba' axé' xi kanixtaláb.
- c) An k'a'ál dhuchadh ne'ets ka kubdha' tam ki in bajuw an k'ichaj, mati 12:00 an dhajuw ti k'ichaj 17 a julio ti 2026, o tam ka kidhban in yanel an tolmix. Ani jaye' in ejtawal ka k'ale' ka dhuchan ti jolataláb xi uludh ti "dhuchadh d" xi tal talbel.
- d) Máx an atiklab yab dhuchadh ti Registro Artesanal in ejtawal ka k'ale' ti jolataláb xi k'wajat ti, Mirador 2 ti Centro de Negocios del Potosí, Boulevard Antonio Rocha Cordero 125, piso 2, Col. Desarrollo del Pedregal, C.P. 78395, San Luis Potosí, S.L.P., ti jún i k'ij 9 an dhajuw ani 2 an wakal, abal ki in t'aja' an dhuchnel an ts'ejkanel xi in tomnal.
- e) Ants'ana' jaye', kwa'ál ki in kidhbay an dhuchadh xi kwajbadh ti Matriz DAM (Matriz de Diferenciación entre Artesanía y Manualidad), axé' xi lejbaxtaláb in olnal máx pel i ts'ejkanel.

Xi yab kwa'ál ka t'ajan

An atiklab xi ka dhuchan, ejtil I oklek, kwa'ál ki in putuw ka k'ale' ani ki in t'aja' ti kwentaj an jolataláb, 90 in yanel, máx yab ki in putuw mani ka k'ale' ti in kidhtal o jún we' in yanel an t'ajnel, yabáts ne'ets ka t'ajan ti kwentaj ti pilchik an Pulik ajib an Bichow Tampots'ots' (FENAPO) ani an Secretaria de Desarrollo Económico in ejtawal ki in t'ixka' an jolataláb xi binadh. Ejtidh, jant'idha' xi yáb eyadh.

Xi yab ne'ets ka bats'uwat

1. Yáb ne'ets ka tolmixin an atiklab xi yab ki in kidhbay ti k'ij ani in alwa' an úw ani pilchik I eyendha'nel xi u konchab.
2. Yáb in ejtawal ka tolmixin an atiklab xi in aynal jún I t'ojlab abal an Pulik eyal, ti Pulik Bichow o buchow ti pulik bichow tampots'ots'.
3. Yáb in ejtawal ka bats'uwat an atiklab xi in k'walits pil I jolataláb o stand, abal ants'ana' ka ejtawat ka tolmixal yan I atiklab ti jolatalab an ts'ejkanel.

Junkudh kalchix eyal

1. An konodhtaláb ne'ets ka t'ajan ti kwentaj kal an junkudh kalchix eyal, xi ne'ets ka bijyat kal an Secretaria de Desarrollo Económico, jawa' ki uluw játs xi ne'ets ka bats'uwat.
2. Axé' xi junkudh kalchix eyal ne'ets ki in t'aja' ti kwentaj jita'chik in konial ti tolmix ju'ta' ne'ets ka ts'utat:

- a) Kidhat an dhuchadh úw



- b) In yanel an tamúb xi in kwa'al ti ts'ejkom
- c) Abal jawa' játs in kwenthalil ani máx in k'a'al kawintal pel an Tének
- d) Máx tolmixnenék kal I t'ajnel abal ki in k'aniy ani ki in exobchiy an Tének ts'ejkom
- e) Ne'êts ka t'ajan ti kwentaj máx chubax in ejtawal ti ts'ejkom xi in olnal, jáxtam in walkal abal ka k'ale' ti ts'abix an t'ojnal an Dirección de Desarrollo artesanal, máx yejental.

Kidhbadhtal

- An tsalap xi yáb t'ajadh ti kwentaj ti axé' ti kanixtaláb, neéts ka t'ajan ti kwentaj kal an Dirección de Desarrollo Artesanal xi ajidh ti Secretaría de Desarrollo Económico.
- Tam ka kidhban an takuxtaláb, ne'êts ka buk'wat ti redes sociales xi in kal an Secretaría de Desarrollo Económico ti Tampots'ots', ne'êts jaye' ka tawna' o ba an WhatsApp ani jaye' in ejtawal ka konowixin ti jolataláb en Dirección de Desarrollo Artesanal ti 22 a k'ichaj ti its' julio tamúb 2026.
- Ki in konoy ka t'ajan ti kwentaj in le' ki in uluw abal in bats'uwat an tsalap xi olnab.

Jant'idha' ne'êts ka olna' an kanixtaláb

Ba I redes sociales ejtíl:

- Facebook, ani
- WhatsApp

Ne'êts jaye' ka buk'wat ba I watbon káw ti in óxchíl in pejach xi játwis:

- Zona Centro;
- Zona Huasteca; ani
- Zona Media;

Máx yejentale' ka exbay an tsalap a ejtawal ka konoy ti:

Secretaría de Desarrollo Económico de San Luis Potosí

Dirección de Desarrollo Artesanal

Mirador 2 del Centro de Negocios del Potosí, Boulevard Antonio Rocha Cordero 125, Piso 2, Col. Desarrollo del Pedregal, C.P. 78395, San Luis Potosí, S.L.P.

Código QR abal ka ela' ju'taj ki dhuchan



Axé' xi t'ajnel, yab exbadh kal ni jún i partido político. Yáb jiladh abal ka eyan kal k'eat i tsalap xi yábja' xi u olnab ti axé' xi t'ajnel.